


საქართველოს უზენაესი სასამართლოს მოსამართლის თანამდებობაზე ასარჩევად საქართველოს პარლამენტისათვის წარსადგენი სამოსამართლო გამოცდილების მქონე მოსამართლეობის კანდიდატის შეფასების ფორმა

მოსამართლეობის კანდიდატის თამარ ოქროპირიძის შეფასების შედეგი:

მოსამართლეობის კანდიდატის შეფასება კეთილსინდისიერების კრიტერიუმის მიხედვით		
მოსამართლეობის კანდიდატი არ აკმაყოფილებს კეთილსინდისიერების კრიტერიუმს	<input type="checkbox"/>	
მოსამართლეობის კანდიდატი აკმაყოფილებს კეთილსინდისიერების კრიტერიუმს	<input type="checkbox"/>	
მოსამართლეობის კანდიდატი სრულად აკმაყოფილებს კეთილსინდისიერების კრიტერიუმს	<input checked="" type="checkbox"/>	
მოსამართლეობის კანდიდატის შეფასება კომპეტენტურობის კრიტერიუმის მიხედვით		
კრიტერიუმი	მიღებული ქულა	მაქსიმალური ქულა
სამართლის ნორმების ცოდნა	18	20
სამართლებრივი დასაბუთების უნარი და კომპეტენცია	20	20
წერის უნარი	20	20
ზეპირი კომუნიკაციის უნარი	14	15
პროფესიული თვისებები, მათ შორის, ქცევა სასამართლო დარბაზში	15	15
აკადემიური მიღწევები და პროფესიული წვრთნა	4	5
პროფესიული აქტივობები	3	5
ქულათა ჯამი	94	100

სახელი, გვარი: ნიკოლოზ მარსაგიშვილი

თარიღი: 07/07-2021 წელი





საქართველოს იუსტიციის უმაღლესი საბჭოს წევრი ნიკოლოზ მარსაგიშვილი

საქართველოს უზენაესი სასამართლოს მოსამართლის შესარჩევ კონკურსში მონაწილე კანდიდატის

თამარ ოქროპირიძის შეფასების დასაბუთება

საქართველოს უზენაესი სასამართლოს მოსამართლის შესარჩევ კონკურსში მონაწილე კანდიდატის თამარ ოქროპირიძის შეფასების დასაბუთების შედგენის პროცესში ვიხელმძღვანელებ „საერთო სასამართლოების შესახებ“ საქართველოს ორგანული კანონის 34¹ მუხლის მე-11 პუნქტით დადგენილი წესით.

მოსამართლეობის კანდიდატის შეფასება კეთილსინდისიერების კრიტერიუმის მიხედვით		კომენტარი
მოსამართლეობის კანდიდატი არ აკმაყოფილებს კეთილსინდისიერების კრიტერიუმს	<input type="checkbox"/>	თამარ ოქროპირიძის „საერთო სასამართლოების შესახებ“ საქართველოს ორგანული კანონით გათვალისწინებული კეთილსინდისიერების კრიტერიუმით შესაფასებლად, წინამდებარე დასაბუთებაში დეტალურად არის განხილული აღნიშნული კრიტერიუმის თითოეული მახასიათებელი. რა დროსაც, ვიხელმძღვანელებ კანდიდატის შესახებ მოძიებული ინფორმაციითა და საჯარო მოსმენაზე მის მიერ გამოვლენილი თვისებებითა და მახასიათებლებით. ინფორმაციის ანალიზისა
მოსამართლეობის კანდიდატი აკმაყოფილებს კეთილსინდისიერების კრიტერიუმს	<input type="checkbox"/>	

<p>მოსამართლეობის კანდიდატი სრულად აკმაყოფილებს კეთილსინდისიერების კრიტერიუმს</p>	<input checked="" type="checkbox"/>	<p>და შეჯერების შედეგად, კი მივიჩნიე, რომ ვინაიდან არ გამოკვეთილა რაიმე გარემოება, რაც ეჭვქვეშ დააყენებდა კანდიდატის კეთილსინდისიერების საკითხს იგი თითოეული კომპონენტის მიხედვით უნდა შეფასდეს დადებითად. შესაბამისად, გავაკეთე დასკვნა, რომ თამარ ოქროპირიძე სრულად აკმაყოფილებს კეთილსინდისიერების კრიტერიუმს.</p>	
<p>მოსამართლეობის კანდიდატის შეფასება კომპეტენტურობის კრიტერიუმის მიხედვით</p>		<p>კომენტარი</p>	
<p>კრიტერიუმი</p>	<p>მიღებული ქულა</p>	<p>მაქსიმალური ქულა</p>	
<p>სამართლის ნორმების ცოდნა</p>	<p>18</p>	<p>20</p>	<p>თამარ ოქროპირიძის მიერ წარმოდგენილი სამართლებრივი დოკუმენტის¹ შესწავლისა და საჯარო მოსმენის პროცესში მის მიერ გაცემული პასუხების გაანალიზების შედეგად, შესაძლებელია ითქვას, რომ მას აქვს ეროვნული კანონმდებლობის კარგი ცოდნა. ასევე, იგი იცნობს ადამიანის უფლებების სამართალს. მნიშვნელოვანია, რომ კანდიდატი სისტემატიურად ეცნობა საქართველოს საკონსტიტუციო სასამართლოს, საქართველოს უზენაესი სასამართლოსა და ადამიანის უფლებათა ევროპული სასამართლოს პრაქტიკას. აღსანიშნავია, რომ საჯარო მოსმენის მიმდინარეობისას, თამარ ოქროპირიძე ძირითადად სიღრმისეულად აანალიზებდა სამართლებრივ საკითხებს და ავითარებდა თანმიმდევრულ და არგუმენტირებულ მსჯელობას.</p>
<p>სამართლებრივი დასაბუთების უნარი და კომპეტენცია</p>	<p>20</p>	<p>20</p>	<p>თამარ ოქროპირიძეს აქვს ხანგრძლივი პროფესიული, მათ შორის, მოსამართლის თანამდებობაზე მუშაობის 5-წლიანი გამოცდილება. ამასთან, კანდიდატის მიერ მიღებული გადაწყვეტილება არის თანმიმდევრული, ლოგიკური და იგი სათანადოდ არის დასაბუთებული. საჯარო მოსმენაზეც კანდიდატი საკმაოდ დამაჯერებლად აყალიბებდა საკუთარ ხედვებს.</p>

¹ თბილისის საქალაქო სასამართლოს ადმინისტრაციულ საქმეთა კოლეგიის 2016 წლის 26 თებერვლის გადაწყვეტილება, საქმე N3/7949-15.

წერის უნარი	20	20	თამარ ოქროპირიძის მიერ წარმოდგენილი სამართლებრივი დოკუმენტის შესწავლის საფუძველზე შესაძლებელია ითქვას, რომ იგი გამოირჩევა სათანადო წერის უნარით. კერძოდ, კანდიდატი მის მიერ მიღებულ გადაწყვეტილებაში კარგად ახდენს სამართლებრივი ნორმების გამოყენებასა და გაანალიზებას. მასში ფაქტობრივი გარემოებები და სამართლებრივი შეფასებები ჩამოყალიბებულია სტრუქტურირებულად, შესაბამისი თანმიმდევრულობით.
ზეპირი კომუნიკაციის უნარი	14	15	თამარ ოქროპირიძეს აქვს გამართული მეტყველების უნარი. იგი ახერხებს, რომ საკუთარი პოზიცია და შეხედულებები გადმოსცეს ღიად, ნათლად და დამაჯერებლად. აგრეთვე, კანდიდატს შეუძლია სხვისი მოსაზრების მოთმინებით მოსმენა.
პროფესიული თვისებები, მათ შორის, ქცევა სასამართლო დარბაზში	15	15	კანდიდატი გამოირჩევა შრომისმოყვარეობით, მიზანდასახულობითა და პროდუქტიულობით. ამასთან, 2017 წლის 1 ნოემბრიდან - 2020 წლის 1 ნოემბრამდე პერიოდში, თამარ ოქროპირიძის წარმოებაში არსებულ საქმეთა განხილვის სტატისტიკური ინფორმაციის თანახმად, მაღალია მის მიერ საპროცესო ვადების დაცვით განხილულ საქმეთა (86,2%) პროცენტული მაჩვენებელი, უცვლელად დატოვებულ გასაჩივრებულ გადაწყვეტილებათა პროცენტული მაჩვენებელი კი შეადგენს 82,6%-ს.
აკადემიური მიღწევები და პროფესიული წვრთნა	4	5	კანდიდატს აქვს თვითგანვითარების, ახალი ცოდნისა და უნარების შეძენის ინტერესი. აღსანიშნავია, რომ იგი მონაწილეობას იღებს ადგილობრივ თუ საერთაშორისო სემინარებსა და სასწავლო კურსებში.
პროფესიული აქტივობა	3	5	თამარ ოქროპირიძე მონაწილეობდა მართლმსაჯულების საკითხებზე გამართულ სხვადასხვა ღონისძიებაში. ამასთან, იგი გრიგოლ რობაქიძის სახელობის უნივერსიტეტში ეწევა პედაგოგიურ საქმიანობას. თუმცა, მომზადებული არ აქვს სამეცნიერო ან სხვა სახის პუბლიკაცია.

ქულათა ჯამი	94	100	
დასაბუთება	<p>უზენაესი სასამართლოს მოსამართლეობის კანდიდატის შეფასება კეთილსინდისიერების კრიტერიუმის მიხედვით</p> <p>საქართველოს იუსტიციის უმაღლესი საბჭოს 2020 წლის 2 ნოემბერს N1/138 განკარგულებით დაიწყო საქართველოს უზენაესი სასამართლოს მოსამართლეობის კანდიდატთა შესარჩევი პროცედურა. აღნიშნულ პროცედურაში იუსტიციის უმაღლესი საბჭოს 2020 წლის 1 დეკემბრის N1/214 განკარგულებით კანდიდატად დარეგისტრირდა თამარ ოქროპირიძე.</p> <p>„საერთო სასამართლოების შესახებ“ საქართველოს ორგანული კანონის თანახმად, იმის დასადგენად თუ რამდენად აკმაყოფილებს თამარ ოქროპირიძე კეთილსინდისიერების კრიტერიუმს, წინამდებარე დასკვნაში წარმოდგენილი და გაანალიზებულია მისი შეფასება აღნიშნული კრიტერიუმის თითოეულ მახასიათებელთან მიმართებით. კერძოდ, პიროვნული კეთილსინდისიერება და პროფესიული სინდისი; დამოუკიდებლობა, მიუკერძოებლობა და სამართლიანობა; პიროვნული და პროფესიული ქცევა; პიროვნული და პროფესიული რეპუტაცია; ფინანსური ვალდებულება.</p> <p>აღსანიშნავია, რომ კეთილსინდისიერების კრიტერიუმით თამარ ოქროპირიძის შეფასება დაეყრდნო კანდიდატების შესახებ მოძიებულ ინფორმაციას, რა დროსაც სხვადასხვა უწყებიდან მოხდა მის შესახებ შემდეგი სახის ინფორმაციის გამოთხოვა: საქართველოს შინაგან საქმეთა სამინისტროდან მონაცემები ადმინისტრაციული სამართალდარღვევების შესახებ, სს „კრედიტინფო საქართველოდან“ სრული პერსონალური საკრედიტო ინფორმაცია, საქართველოს ფინანსთა სამინისტროს შემოსავლების სამსახურიდან ცნობა შემოსავლების შესახებ, საჯარო სამსახურის ბიუროდან ქონებრივი მდგომარეობის დეკლარაცია, კანდიდატის სამუშაო ადგილიდან ინფორმაცია დისციპლინური სამართალწარმოების შესახებ, თამარ ოქროპირიძის დახასიათების მიზნით მასთან სამსახურებრივ და პირად ურთიერთობაში მყოფი პირებისგან შევსებული სპეციალური ფორმის რეკომენდაციები, კითხვარები და სხვ. ამასთან, მნიშვნელოვანია, აღინიშნოს ისიც, რომ თამარ ოქროპირიძის შეფასებისას გათვალისწინებულ იქნა მის მიერ განაცხადის</p>		

შევსებისას მითითებული ინფორმაცია და საჯარო მოსმენისას კანდიდატის მხრიდან გამოვლენილი სხვადასხვა თვისებები, მახასიათებლები და სხვ.

პიროვნული კეთილსინდისიერებისა და პროფესიული სინდისის მახასიათებელი

თამარ ოქროპირიძის პიროვნულ თვისებებს რეკომენდატორები და გამოკითხული პირები, რომლებიც კარგად იცნობენ კანდიდატს და მასთან აქვთ სამსახურებრივი და პირადი ხასიათის ურთიერთობა აფასებენ დადებითად. ამასთან, უთითებენ, რომ იგი არის კეთილსინდისიერი, კორექტული, თავმდაბალი, პატიოსანი, შრომისმოყვარე და გულწრფელი. კანდიდატის მხრიდან პასუხისმგებლობის სათანადოდ შეგნებასთან და მოვალეობების შესრულებასთან დაკავშირებით უნდა აღინიშნოს, რომ სხვადასხვა დაწესებულებიდან მოწოდებული ინფორმაციის თანახმად იგი ჯეროვნად ასრულებს სამსახურებრივ, ფინანსურ თუ სხვა სახის ვალდებულებებს. კერძოდ, მას უარყოფითი საკრედიტო ისტორია არ უფიქსირდება, მის მიერ ქონებრივი დეკლარაციის შევსებისას რაიმე დარღვევას ადგილი არ ჰქონია, საგზაო მოძრაობის დარღვევისათვის დაკისრებულ ჯარიმებს იხდის დროულად და სხვ.

დამოუკიდებლობის, მიუკერძოებლობისა და სამართლიანობის მახასიათებელი

თამარ ოქროპირიძის დახასიათებისას რეკომენდატორები უთითებენ, რომ იგი არის სამართლიანი და მიუკერძოებელი. ამასთან, მოძიებული ინფორმაციის საფუძველზე და საჯარო მოსმენაზე კანდიდატის მიერ გამოვლენილი თვისებების გათვალისწინებით შემექმნა შთაბეჭდილება, რომ იგი არის პრინციპული, პიროვნულად მყარი, შეუვალი, ზეგავლენის მიმართ მედეგი და გააჩნია გადაწყვეტილების დამოუკიდებლად მიღების უნარი. თამარ ოქროპირიძის პოლიტიკურ ან სხვა ნიშნით მიუკერძოებლობას რაც შეეხება, იგი არ ყოფილა არცერთი პოლიტიკური პარტიის წევრი/მხარდამჭერი, შემომწირველი და საჯარო მოსმენაზეც მისი მხრიდან არ გამოთქმულა ისეთი მოსაზრებები, რაც შეიტანდა ეჭვს მის პოლიტიკურ ან სხვა ნიშნით მიუკერძოებლობაში.

პიროვნული და პროფესიული ქცევის მახასიათებელი

თამარ ოქროპირიძის შესახებ მოძიებული ინფორმაციის საფუძველზე შესაძლებელია

ითქვას, რომ იგი იცავს სამოსამართლო ეთიკის წესებს, კოლეგებთან თუ სხვა პირებთან ურთიერთობისას არის კორექტული და გამოირჩევა მოსამართლის მაღალი წოდების შესაბამისი ქცევითა და იმიჯით. ამასთან, საჯარო მოსმენაზე აქტუალურ და პრობლემურ სამართლებრივ საკითხებზე მსჯელობისას, კანდიდატმა გამოავლინა, რომ იგი არის თავდაჯერებული, თავდაჭერილი, თავაზიანი და აქვს საკუთარი ემოციების მართვის უნარი. აღსანიშნავია, რომ თამარ ოქროპირიძის წინააღმდეგ დისციპლინური წარმოება არ დაწყებულა და იგი სასამართლოში წარმართულ დავებში მხარედ/დაზარალებულად წარმოდგენილი არ ყოფილა.

პიროვნულ და პროფესიულ რეპუტაციის მახასიათებელი

კანდიდატის პიროვნულ თვისებებს და მის პროფესიულ მიღწევებს რეკომენდატორები და გამოკითხული პირები აფასებენ დადებითად. საქართველოს იუსტიციის უმაღლესი საბჭოს საზოგადოებასთან და მედიასთან ურთიერთობის მენეჯერის მიერ მოწოდებული ინფორმაციის შესაბამისად, ინტერნეტ სივრცეში თამარ ოქროპირიძის შესახებ ძირითადად ხელმისაწვდომია ინფორმაცია მის მიერ განხილულ საქმეებთან დაკავშირებით. ამასთან, მედიამ გააშუქა თამარ ოქროპირიძის ჩარიცხვა იუსტიციის უმაღლეს სკოლაში, მისი უვალოდ განწესება და სხვ. იურიდიულ წრეებთან ურთიერთობის ხასიათთან და ხარისხთან დაკავშირებით კი ის შეიძლება ითქვას, რომ კანდიდატს მონაწილეობა აქვს მიღებული მართლმსაჯულების საკითხებზე გამართულ არაერთ ღონისძიებაში და ეწევა პედაგოგიურ საქმიანობას.

ფინანსური ვალდებულების მახასიათებელი

თამარ ოქროპირიძის შესახებ მოძიებული ინფორმაციის საფუძველზე, შესაძლებელია აღინიშნოს, რომ კანდიდატს აქვს დადებითი საკრედიტო ისტორია და მას სახელმწიფო ბიუჯეტის მიმართ დავალიანება არ ერიცხება. ამასთან, იგი მეწარმეთა და არასამეწარმეო იურიდიულ პირთა რეესტრში რეგისტრირებული არ არის. ამრიგად, კანდიდატის ფინანსური ვალდებულებების შემოწმების შედეგად, გამოიკვეთა, რომ არ არსებობს მისი ქონებრივი ინტერესების მართლმსაჯულების ინტერესებთან დაპირისპირების საფუძველი, რამაც შესაძლოა შემდგომში საფრთხის ქვეშ დააყენოს მოსამართლის მიუკერძოებლობა.

ზემოაღნიშნულის გათვალისწინებით, დასკვნის სახით, შესაძლებელია ითქვას, რომ

ვინაიდან არ გამოკვეთილა ისეთი გარემოება, რომელიც ეჭვქვეშ დააყენებდა კანდიდატის კეთილსინდისიერების საკითხს, მიმაჩნია, რომ იგი სრულად აკმაყოფილებს აღნიშნულ კრიტერიუმს.

უზენაესი სასამართლოს მოსამართლეობის კანდიდატის შეფასება კომპეტენტურობის კრიტერიუმის მიხედვით

„საერთო სასამართლოების შესახებ“ საქართველოს ორგანული კანონის თანახმად, კომპეტენტურობის კრიტერიუმის საფუძველზე კანდიდატ თამარ ოქროპირიძის შეფასებისას მხედველობაში იქნა მიღებული აღნიშნული კრიტერიუმის თითოეული მახასიათებელი. კერძოდ, სამართლებრივი ნორმების ცოდნა; სამართლებრივი დასაბუთების უნარი და კომპეტენცია; წერის უნარი; ზეპირი კომუნიკაციის უნარი; პროფესიული თვისებები, მათ შორის, ქცევა სასამართლო დარბაზში; აკადემიური მიღწევები და პროფესიული წვრთნა; პროფესიული აქტივობა. აღსანიშნავია, რომ კომპეტენტურობის კრიტერიუმით კანდიდატის შეფასება დაეყრდნო კანდიდატის შესახებ მოძიებულ ინფორმაციას, მათ შორის, მის მიერ წარმოდგენილ სამართლებრივ დოკუმენტს და საჯარო მოსმენის შედეგად შექმნილ შთაბეჭდილებას.

სამართლებრივი ნორმების ცოდნის მახასიათებელი

იუსტიციის უმაღლესი საბჭოს თითოეული წევრის მიერ კანდიდატების შესახებ მოძიებული ინფორმაციის შესწავლის შემდეგ, 2021 წლის 30 ივნისს თამარ ოქროპირიძესთან გაიმართა საჯარო მოსმენა.² საჯარო მოსმენაზე კანდიდატს იუსტიციის უმაღლესი საბჭოს წევრებმა დაუსვეს არაერთი სამართლებრივი და ზოგადი ხასიათის შეკითხვა. თამარ ოქროპირიძე იყო მშვიდი, გაწონასწორებული, თავდაჯერებული და კორექტული. აღსანიშნავია, რომ სამართლებრივ საკითხებზე საუბრისას კანდიდატმა გამოავლინა როგორც პრაქტიკული, ისე თეორიული საკითხების კარგი ცოდნა და ანალიზის უნარი. ამასთან, თამარ ოქროპირიძე ღიად და ნათლად გამოხატავდა საკუთარ მოსაზრებებს და ძირითადად ავითარებდა სიღრმისეულ და არგუმენტირებულ სამართლებრივ მსჯელობას. მის მიერ გაცემული პასუხები უმეტესად იყო ცხადი,

² იხ. თამარ ოქროპირიძესთან გამართული საჯარო მოსმენის ვიდეოჩანაწერი: <https://www.youtube.com/watch?v=34Kpz6y71Tg>

კონკრეტული, თანმიმდევრული და ამომწურავი. მნიშვნელოვანია, რომ კანდიდატი დასმული შეკითხვების რელევენტურად პრობლემურ სამართლებრივ საკითხებზე მსჯელობისას აქტიურად მიმოიხილავდა როგორც შიდა სასამართლო პრაქტიკას, ისე ადამიანის უფლებათა ევროპული სასამართლოს პრეცედენტულ სამართალს.

ამასთან, თამარ ოქროპირიძის მიერ წარმოდგენილი სამართლებრივი დოკუმენტის შესწავლისა და საჯარო მოსმენის პროცესში მის მიერ გაცემული პასუხების გაანალიზების შედეგად, შესაძლებელია ითქვას, რომ კანდიდატი კარგად ფლობს ეროვნულ კანონმდებლობას. ასევე, იგი იცნობს ადამიანის უფლებების სამართალს. მნიშვნელოვანია, რომ თამარ ოქროპირიძე სისტემატიურად ეცნობა საქართველოს საკონსტიტუციო სასამართლოს, უზენაესი სასამართლოსა და ადამიანის უფლებათა ევროპული სასამართლოს პრაქტიკას. საჯარო მოსმენის მიმდინარეობისას ნათელი გახდა, რომ კანდიდატი გამოირჩევა სამართლებრივი საკითხების კარგი ცოდნითა და გააზრების უნარით, იგი ძირითადად სწორად იყენებს და განმარტავს სამართლებრივ ნორმებს.

ასევე, კანდიდატის მიერ მიღებულ გადაწყვეტილებაში, არსებული ფაქტობრივი გარემოებების გათვალისწინებით, სამართლებრივი ნორმები გამოყენებულია მართებულად და თანმიმდევრულად. უნდა ითქვას ისიც, რომ რეკომენდატორების მოსაზრებით, იგი მაღალ დონეზე ფლობს მატერიალურ და საპროცესო კანონმდებლობას, ასევე, კარგად იცნობს და მიზნობრივად იყენებს საერთაშორისო სამართლებრივ აქტებსა და ადამიანის უფლებათა ევროპული სასამართლოს პრეცედენტულ სამართალს.

აღსანიშნავია, რომ თამარ ოქროპირიძეს ჩაბარებული აქვს მოსამართლეობის საკვალიფიკაციო გამოცდა (სამოქალაქო და ადმინისტრაციული სამართლის სპეციალიზაცია). იგი იყო იუსტიციის უმაღლესი სკოლის XI ჯგუფის მსმენელი და იუსტიციის მსმენელთა საერთო საკვალიფიკაციო სიაში დაიკავა 47-ე ადგილი.

სამართლებრივი დასაბუთების, კომპეტენციისა და წერის უნარის მახასიათებლები

კანდიდატს აქვს ხანგრძლივი პროფესიული, მათ შორის, მოსამართლის თანამდებობაზე მუშაობის 5-წლიანი გამოცდილება. იგი ამჟამად არის თბილისის სააპელაციო სასამართლოს ადმინისტრაციულ საქმეთა პალატის მოსამართლე. თამარ ოქროპირიძის მიერ წარმოდგენილი სამართლებრივი დოკუმენტის შესწავლის საფუძველზე შესაძლებელია აღინიშნოს, რომ იგი გამოირჩევა სათანადო წერის უნარით. კერძოდ,

კანდიდატი მის მიერ მიღებულ გადაწყვეტილებაში კარგად ახდენს სამართლებრივი ნორმების გამოყენებასა და გაანალიზებას. მასში თანმიმდევრულად და ნათლად არის გადმოცემული როგორც ფაქტები, ისე სამართლებრივი საკითხები. იგი შესრულებულია გამართული და მკითხველისთვის ადვილად აღსაქმელი ენით. უნდა ითქვას ისიც, რომ გადაწყვეტილება სამართლებრივი თვალსაზრისით სათანადოდ არის დასაბუთებული. მნიშვნელოვანია, რომ მასში დაცულია მართლწერისა და პუნქტუაციის წესები. ამასთან, კანდიდატი საჯარო მოსმენის მიმდინარეობისას საკმაოდ დამაჯერებლად აყალიბებდა საკუთარ მოსაზრებებს.

ასევე, კანდიდატის წერის უნარის შეფასებისას რეკომენდატორები უთითებენ, რომ თამარ ოქროპირიძეს შეუძლია აზრის ზუსტად და გასაგებად გადმოცემა, იგი მიღებულ გადაწყვეტილებებს ასაბუთებს ნათლად და გარკვევით, ყველა სადავო საკითხის შეფასებით.

ზეპირი კომუნიკაციის უნარის მახასიათებელი

თამარ ოქროპირიძე მეტყველებს გამართულად. ამასთან, როგორც უკვე აღვნიშნე, იგი ახერხებს, რომ საკუთარი პოზიცია და შეხედულებები გადმოსცეს ღიად, ცხადად, ნათლად და დამაჯერებლად. აგრეთვე, თამარ ოქროპირიძეს შეუძლია სხვისი მოსაზრების მოთმინებით მოსმენა. მნიშვნელოვანია, რომ კანდიდატის ზეპირი კომუნიკაციის უნარს მასთან საქმიან ურთიერთობაში მყოფი პირებიც აფასებენ დადებითად.

პროფესიული თვისებების, მათ შორის, სასამართლო დარბაზში ქცევის მახასიათებელი

კანდიდატის წარმოებაში არსებულ საქმეთა განხილვის სტატისტიკური ინფორმაციის თანახმად, 2017 წლის 1 ნოემბრიდან - 2020 წლის 1 ნოემბრამდე პერიოდში, მაღალია მის მიერ საპროცესო ვადების დაცვით განხილულ საქმეთა (86,2%) პროცენტული მაჩვენებელი, უცვლელად დატოვებულ გასაჩივრებულ გადაწყვეტილებათა პროცენტული მაჩვენებელი კი შეადგენს 82,6%-ს. რაც ცხადყოფს, რომ თამარ ოქროპირიძე არის პროდუქტიული, სწრაფი, შრომისმოყვარე, კარგად ახდენს საქმეთა ნაკადის მართვას, იგი სასამართლო სხდომებს წარმართავს სათანადოდ და აქვს სტრესულ სიტუაციაში მუშაობის უნარი. ამასთან, კანდიდატთან საქმიან ურთიერთობაში მყოფი პირები თამარ ოქროპირიძეს ახასიათებენ როგორც გაწონასწორებულ, პუნქტუალურ და შრომისმოყვარე პიროვნებას,

აგრეთვე, უთითებენ, რომ მას აქვს დამოუკიდებელი აზროვნებისა და სტრესულ სიტუაციაში მუშაობის უნარი.

აკადემიური მიღწევების, პროფესიული წვრთნისა და პროფესიული აქტივობის მახასიათებლები

თამარ ოქროპირიძე არის ღია სიახლეების მიმართ და გააჩნია ახალი ცოდნისა და უნარების შეძენის ინტერესი. აღსანიშნავია, რომ კანდიდატი აქტიურად იღებს მონაწილეობას მართლმსაჯულების საკითხებზე გამართულ სხვადასხვა ღონისძიებაში. ამასთან, გავლილი აქვს მოსამართლის თანაშემწის სამთვიანი სასწავლო კურსი. იგი გრიგოლ რობაქიძის სახელობის უნივერსიტეტში ეწევა პედაგოგიურ საქმიანობას. თუმცა, კანდიდატს მომზადებული არ აქვს სამეცნიერო ან სხვა სახის პუბლიკაცია.

შეჯამება

ყოველივე ზემოაღნიშნულის გათვალისწინებით, კანდიდატ თამარ ოქროპირიძესთან დაკავშირებით შესაძლებელია ითქვას, რომ იგი სრულად აკმაყოფილებს კეთილსინდისიერების კრიტერიუმს. ამასთან, კომპეტენტურობის კრიტერიუმის თითოეულ მახასიათებელთან მიმართებით კანდიდატის შეფასებისას გათვალისწინებულ იქნა მისი ცოდნა, კომპეტენცია, გამოცდილება, პროფესიული თვისებები, უნარ-ჩვევები და სხვა მნიშვნელოვანი მახასიათებლები. შესაბამისად, აღნიშნული ინფორმაციის შეჯერებისა და ანალიზის საფუძველზე კანდიდატის მიერ დაგროვილ ქულათა ჯამმა, მაქსიმალური 100 ქულიდან, შეადგინა 94 ქულა.

სახელი, გვარი: ნიკოლოზ მარსაგიშვილი

ხელმოწერა:

თარიღი:

07/07-2021 წ/წ

